

重稱法位

具位臣未與臨壇官眾等謹同誠上啓
 聖位臣聞父子有親孝實原於天屬夫婦有
 別義本重於人倫或男生未養年而傷或胎
 結末十月而殞皆緣宿業匪曰今脩故中誠
 經區別於條章而感應篇分於品目作善
 作惡由踐履之純疵趨是趨非本躬行之真
 妄下愚冥昧上聖監觀今齋主某某大駭尋
 寧馨助養每洗心而三歎惟拊己以再思深
 慮浩劫循環受生輪轉六根三業每免逐其
 行藏十惡七情常蟻旋其動靜網常自毀禁
 戒多違縱弋獵以焚山林禍延巢卵設網羅
 而空澤麓殃及孕胎業屠剝於春生折花果
 於夏長致罹罪報未遂產生或五行衝犯其
 命身或三元戰凌其運限應門兆先繼緒時
 依懼如若教之饒而甚至庭堅之不祀夙宵
 戰慄昕夕徬徨自非熏沐以向鈞駕俾感通
 而降祉是以修齋行道祈懺轉經願蠲已往
 之愆尤為降方來之福慶伏冀威願在上靈
 景居中許改過以自新俾知非而求舊九光

童子為成就其胞胎六甲直符即護持其生
 育承天而夫妻和合墮地而子母安和克昌
 戶門永承宗祀蒙監由中之愴允昭濟下之
 私上願地紀清寧天網靜謐儀璣煥耀風雨
 均調出圖出書凝祥允於河洛同文同軌辛
 和悉於車書天垂甘露以生生地湧醴泉而
 化化弓雖耀野家家空谷之駒軒冕趨朝赫
 赫鳴岡之鳳陽僚布德陰播施仁則上明
 天專大慈之化下副臣等皈命之誠謹啓以
 聞

十二願

存神燒香

香官使者左右龍虎君侍香諸靈官當令臣
 建齋之所自然生金液丹碧芝英百靈眾真
 交會在此香火爐前令臣學道得道求仙得
 仙齋主受福幽顯沾恩十方仙童玉女侍衛
 蘭煙傳臣向來所啓速速還御
 太上元極大道至真玉皇上帝御前
 出堂頌
 靈寶領教濟度金書卷之二百三十七

靈寶領教濟度金書卷之二百三十八二百
 九同
 洞微高士開光執事真人雷金真校
 靈寶通玄法教水南先生林靈其端

科儀立成品祈嗣用

祈嗣醮儀

步虛 燒香頌

各禮師存念如法

宣衛靈呪

五星列照煥明五方水星却災木德致昌
 熒惑消禍太白辟兵鎮星四據家國利亨
 名刊玉簡字錄帝房乘鸞散景飛騰太空
 出入冥無遊宴十方五雲浮蓋招神攝風
 役使萬靈上衛仙翁十與道合真
 鳴法鼓二十四通

无上三天玄元始三炁太上道君召出臣身
 中三五功曹左右官使者侍香金童傳言玉
 女五帝直符直日香官各三十二人出出者
 嚴裝闡啓玄壇天帝神君當召此間土地里
 域真官正神急上闡啓臣今奉為入齋意以

今陞壇設醮願得

玉清道炁靈寶妙炁下降流入_臣等身中即
使玄壇清淨內外成真天无氛穢地絕妖塵
琳琅振響十方肅清萬魔不干真誠上徹令
_臣所啓速達逕御

太上无極大道至真玉皇上帝御前

請稱法位

具位_臣某與臨壇官眾等謹同誠上啓

太上无極大道虛无自然元始天尊妙无上
帝太上虛皇玉宸大道君靈寶天尊妙有上
帝萬變混沌玄元老君道德天尊至真大帝
太上玉皇大天尊玄穹高上帝紫微中天北
極大帝勾陳上官天皇大帝太寧宮后土皇
地祇玉清真王長生大帝東極青華大帝東
華上相青童道君西靈金母丹皇道君九天
生神上帝五靈五老上帝三十二天上帝太
陽炎光鬱儀帝君太陰皇華素曜元君五方
五德星君南辰六闕延壽星君北極九府延
生星君周天二十八宿星君泰玄樞機三省
列相天君天地水府三官帝君北極四聖真

君靈寶五師真君九天諸司真君九天監生
司諸位真君天曹諸司真君天曹掌字孫司
真君十方无極飛天神王三天門下三元真
君上章詞表靈官三洞四輔經錄法科諸省
府司仙靈官君將吏本靖主將副將護道監
壇將吏五嶽五天聖帝地府鄴都大帝水府
扶桑大帝本派祖玄真師經籍度師真人五
嶽五府掌字孫案判官曹振神吏城隍杜令
里域土地三界應感一切真靈_臣聞元始開
圖六合煥真風之被虛皇御運九圍昭惠露
之敷雌雄默運於希夷經緯潛身於微妙包
羅無外混融二五之精囊括有生變化一三
之粹元功不宰至道難名_臣等輟躬衰蹤井
蛙陋識經丘尋覓景將薄於桑榆拂石眠雲
志猶酣於黎藁天心補過勵志立功敢云制
地以學真姑且憲天而領教今醮主某未諧
嗣續莫紹宗祧庸一念以朝天敬三熏而事
帝陰功既備陽育將成茲少奉於蘋蘩期微
仲於蔚菲欲望靈光洞朗道炁旁周九鳳八
鸞敕前驅而下邁億乘萬騎肅後從以高征

合丹與綠華以參陪會羽蓋瓊輪而翼乘不
違德悃格赴道場_臣不勝激切願望之至再
拜奉迎
聖駕

請聖 初獻

重稱法位

具位_臣某與臨壇官眾等謹重誠上啓

太上无極大道三清上聖十極高真圓宮之
帝后仙靈洞府之曹僚主執醮筵內外一切
真靈伏聞一炁孔神臨下散虛無之象萬形
備質受中凝妙有之樞包覆載以生成位乾
坤而化育根源本始金樓玉宇以生神結節
胞胎紫戶青房而貴氣主録勒籍司馬在庭
昭驚天駭地之符實負陰抱陽之兆今醮主
某詩書世澤文獻家聲七葉連榮坐見堆牀
之芴滿一枝挺秀頓令挿架之藪香乃於齊
眉舉案之間莫有坐膝扶牀之樂老再毋其
將至齡忽忽而漸頽有子堪傳悵未見今時
之適意無後為大奈難期他日之承顏合室
關懷全家動念慮排存之未至或踐履之莫

純節會朝修有稽獻謝元胤齋戒尚缺持
指日月而斥雷霆怒虹霓而怨寒暑當春
獵有獲菓齋卯之虞長夜網羅致損孕墮胎
之禍輕貨毒藥妄號神醫致司過於陰曹莫
書功於陽合是以皈依楓陛嚴潔之壇羅龍
壁於五方真鳳縉於十界椿花搖雲雲鳴
縹緲之聲旌葆翻翻月簾響琳琅之韻降六
龍於黃道來九虎於紫虛鼓舞丹輪俾八紘
而敬聽依希紫綬今六合以丕承凡厥宿愆
溥從恩宥即誕聰明之子克昭抱送之祥寓
意丹毫騰詞青積具嚴哀悽謹用敷宣

宣詞

詞旨具陳聖聰昭監茅茨不翦僭陳綿蕪之
儀黍稷非馨聊寓粟絲之敬所冀皇皇日監
赫赫時敬邊豆孔嘉符寶擁千官之仗專委
間列伶華調九奏之音翠躡森如珠旒肅若
願察再三之禱俯於萬一之忱臣不勝虔切
俟命之至

亞獻

重稱法位

具位 臣未與臨壇官衆等謹重誠上啓
太上无極大道三清上聖十極高真圓宮之
帝后仙靈洞府之曹僚主執醮庭內外一切
真靈伏聞以嗣以續感秉寶本於天心宜室
宜家于李宜濟於帝監倚丹衷尚抱無涯之
過則蒼宮難推有造之恩今醮主某已懺前
愆諒綿後慶伏願自今以始惟吉之從監積
善之家聲念讀書之世澤玉清道炁為灌沃
其形神靈寶妙光與照臨其步武即俾妻室
共福星守命威離離身永無疾病之侵常有
怡愉之適胞胎凝結啓慶和平開先而吉夢
追隨坐辱而具仙降誕福德智慧安樂無難
以無災富貴聰明展也有常而有慶雙麟應
瑞三鳳呈輝貯四庫於胸中讀五車於目下
飛黃騰踏為清時柱石之臣賦性聰明作盛
世棟梁之佐先榮宗祖高大門閭家如懇切
之祈允賴監觀之造次願醮主某福基鞏固
壽址隆昌院宇無塵八節享有孚之慶門庭
多暇四時清无妄之災卿雲朝映於清虛皓
月夕輝於瑤落公使袞袞家多俊傑之賢孫

子熙熙室有材華之彥說戲綠隊隊娛青
桑梓連陰共喜實公之家慶粉榆自樂齊欣
荀氏之名揚八世莫京九族俱奉上願三辰
洞煥四炁朗清慧宇韜光客流掃迹禾生同
穎里無狐鼠之憂麥秀兩歧社有鷄豚之樂
覽德輝而翔千仞觀治象而來萬民刁斗無
聲息四陸之飲馬犁鋤並設慶九野之耕牛
動植生春飛潛樂夜臣不勝虔禱之至

終獻

具位 臣未謹重誠上啓

太上无極大道三清上聖十極高真圓宮之
帝后仙靈洞府之曹僚主執醮庭內外一切
真靈伏聞至敬無文儀幸周於三獻大禮必
簡辭宜罄於一忱既殫凡奏之勤諒雪階升
之漬以今參橫斗轉月淡河澄璧磬收聲梵
唱依稀於霄外瓊鐘息響空誦搖曳於雲中
恍萬乘以戒嚴廟諸天而復位臣等皈依徒
切瞻戀無階入妙疑真萬先齊仙於玄牝運
元會道百神混合於泥丸臣不勝依戀望恩
之至謹稽首再拜奉送

存神燒香

香官使者左右龍虎君侍香諸靈官當今
設醮行道之所自然生金液丹碧芝英百靈
衆真交會在此香火爐前今學道得道求
仙得仙齊官獲福幽顯沾恩十方仙童玉女
侍衛蘭煙侍向來所啓速速迎御
太上元極大道至真玉皇上帝御前

回轡頌

回轡五雲與 騰駕九章詩 倏忽升天遠
醮壇香氣多 玄恩罩宇宙 福祿遍山河
緬想神仙路 逍遙上大羅
焚燎

靈寶領教濟度金書卷之二百三十八

靈寶領教濟度金書卷之二百三十九

洞微高士開光教普真人竇金真校
靈寶通古弘教水南先生林靈真校

科儀立成品祈嗣用

監生醮儀

步虛

請稱法位

具位某與臨壇官衆等謹同誠上啓

九天元極大道無上自然生神上帝諸司真
君九天監生大神九天衛房聖母九天司命
司馬主錄太乙真君九天定生大神九天感
化大神九天定胎大神九天易胎大神九天
順生君九天助生君九天速生君九天全生
六甲符吏催生童子保生童子速生童子南
呂分胎功曹南昌主產力曹九天掌胞胎寬
魄臟腑竅景神聖衆本家土地司命六神醮
庭真聖無鞅主宰伏聞上帝垂慈運神風而
化育下民承惠鼓聖日以生成胞胎既圓於
九霄形氣又資於四象敬諾敬順函三昭經
緯之玄唱奉唱恭太乙羅雌雄之妙驚天駭

地負陰抱陽凡居覆載之中孰出甄陶之外

今醮官某年踰知命嗣未副心曉夜憂惶敢
建齋而行道夙宵戰慄庸庸悔過以祈恩願待
抱送之祥早遂繼承之望輒脩禱祭聊寓微
衷伏冀羽葆飄揚御天風而來下覽旌騰藹
乘梵炁以逍遙不遺方寸之私式副再三之
祝無任懇祈虔禱之至稽首再拜謹當奉
請

請聖 初獻

重稱法位

具位某與臨壇官衆等謹焚香上啓

九天監生司真衆一切應感威靈伏聞子孫
衆多素養本由於天錫門閭昌熾權衡悉自
於神休儻上玄之熊夢未符則下土之麟兒
莫有仰惟神武夙挺威靈蟬聯而劍履陸離
鸞立而佩環容與陰功昭著善惡皆藉以銓
量德周流予奪悉由於選舉巍巍聖力赫
赫深仁今醮官某夙鏢將臨寧馨未遂企虎
關而禱爾又然一辨之香瞻獅座以勤祈願
賜九光之燭茲朝楓陛重啓芝函潔已登齋